

Les Minutes juridiques autochtones

L'AGRESSION SEXUELLE ET L'INDEMNISATION

Ka matshi-mashikueuanut mak shuniatat

Eukuan Educaloi mak Association des femmes autochtones du Québec ka uauitshiashit tutamupan umenu Minutes Juridiques Autochtones ka ishinikatet tshetshi tshissenitakan Innu-ishkueuat tan tshe ishi-tshishpeuatishutau miam umenu ishi-matshipanita.

Shash nishu-pishimua eshpish tshi matshi-mashishkueuatakan Louise. Shash minupanu apishish nana ka matshipan. Eshikam minashtakan natshuapimeu ushtikuan-natukunisha tshetshi kau ishpitenimatishuti. Animanu nite etat, eshk^u apu tshitshue minueniut. Eve ishinikashinu ushima, eshikam tshishk^u tshashi-tshishkutamuakaniti natshuapamiku. Pakushuenimeu umisha tshetshi uipat minueniuniti, eshpishit tutam tshetshi uitshiati umisha.

Eve: Shash nitakushin Louise, ek^u tan eshpanin kashikat ?

Louise: Enuet niminupan. Nishatshuapimati nushtikuan-natukunishim, etatu nui minupanaua. Mitatenitakuan tapue apu mitshetuau eshk^u tshika tshi natshuapamik usham shash nui nute-shuniauen.

Eve: Eukuan ne miam ka ui uitamatan. Kashikat tshia, mitshet kaitshiaushit takushinipant nite katshishkutamatsheutshuapit. Peik^u kaitshiaushit nitaimiati nite ut CAVAC ka ishinikatet, mitshet tshekuanu nuitamakuti nenu ua ishi-nanitu-tshissenitamak tshipa ishi-uitshikun.

Louise: Tshiekuan ne CAVAC eshinikatamin ?

Eve: Uauitshiakanu nite auen ka mishta-matshitutuakan kie eukuat nite tshipa tshisseniten eshinakut tshitipenitamun kie tan tshipa ishi-uauitshikuin katshi mishta-matshi-tutakuin. Mate, tshika uitamatin tshekuan, tshipa tshi ishinakuan tshetshi katshitinimin shunia, uinuau tshika tshi uitshikuat tshetshi katshitinimini ne ua natuenitamin.

Louise: Nipa tshi katshitinen shunia, tshekuan ma ?

Eve: Uitakanu nite takuaikan-mashinaikan, auen ka matshi-mashishkueuatakan miam tshin, uitshiakanu nite shuniatat. Tshika tshi natueniten tshetshi uitshikuin shuniatat nana ka ishpisih unitan tshikaniun eshpish eka atussein. Uemut tshika uitshikun nutam tshishi-minu-tshitapatakau tshekuan ma uet eka tshi atussein kie eka tekuat tshikaniun anutshish.

Louise: Tapue a ? Nipa mishta-uitshikuan tapue katshitiniman tshia ?

Eve: Eshe tshia, kie issishuepan tshipa tshishikashinanu ne tshetshi natshuapamiti ushtikuan-natukunish, kie tshipa tshi natueniten tshetshi tshishikashinanut nana tshussishikauna mak tshimatshuaishima ka pikupitakaniti nana ka matshimashishkueuatikuin. Apu usht ui uauitamatan nana ka ishpanin, nitshisseniten eshk^u tshimishta-ushtueniten kie tshitshissenimatin eka meshta-ushuniamin, eukuan uet uauitamatan ume.

Louise: Eka apitenita. Aiat nui minueniun kie nitshisseniten ua uauitshin. Ma tshipa tshi uitamun tshekuan tshe tutaman tshetshi katshitiniman ne shuniaiu.

Eve: Nishuit tshipa tshi ishi-pimuten. Nite tshipa aimin IVAC ishinikateu, CSST nenu tipenitam, tshipa uitamau ua shakassinitain mashinaikan tshetshi katshitinamini shuniaiu usham ka ishi-matshipanin. Kie mak tshipa itutein nete CAVAC ka ishinikatet, uinuau tshika uitshikuat e shakassinitan ne mashinaikan, tshe itushaikau nite eshinkuat tshetshi itushaikani.

Louise: Nika katshitinen a peikuan at shuk eka tshi ut mamishitshemuiani.

Eve: Peikuan eshe, apu shitshimakan auen tshetshi mamishitshemuti, muk^u tshika ishinakuan tshetshi uemut tapuetashkuin nitshenat CAVAC katshi mista-matshitutakuin. Nin, nipa itutenashapan nite Ka uauitshiakanitau auenitshenat ka matshi-tutuakanitau. Tshika uapaten mate mishta-minuenitakushinanu nete kie minu-tshissenitamuat tshekuan eshinakuat tshetshi tutakan.

Louise: Tapue tshia, uapaki tshi apitatshishikati nika itutein. Tshimishta-nishkumitin katshi nanitu-tshissenitamamin tshekuan nipa tuten tshetshi uitshikuiani.

Eve: Tshitshissenimatin, animan nite etain. Eshpish tshi tutaman kie nin nui tuten tshetshi uitshitani, tshetshi uipat shaputuetein nite etain.

Miam ishinakuat tshetshi ishinakushin kie tshin miam ne anutshish ka petamin, kie tshin ui katshitinamin shuniaiu usham ka matshimashishkueuatikuin, eka shakuenam tshetshi aimitau CAVAC nite uetshin ka tatau kie ute tshe aimin SOS Kamashishkueanut 1-800-363-9010, apu tshishikashinanut.

Eukuan Uepishtikueiau-tshitshe-utshimau-takuaikan ka patshitinak shunianu tshetshi tutakaniti umeni Les Minutes juridiques autochtones, ka ishinikatekau.